



URDHËRESË

Nr. 16545, datë 04.5.2017

“MBI ZHVILLIMIN E AKTIVITETIT NË TREGUN DHE MARKATËN E MBYLLUR TË PAZARIT TË RI”

Në mbështetje të nenit 8, pika 2, nenit 9 pika 1/ 1.1 shkronja “a” dhe “b”, nenit 64, shkronja “a” të ligjit nr. 139, datë 17.12.2015 “Për vetëqeverisjen vendore”; urdhëresës së Kryetarit të Bashkisë e nr. 25850, datë 26.08.2016 “Për rregullat dhe kushtet e zënies së hapësirës publike në Bashkinë e Tiranës” të ndryshuar, me qëllim krijuimin e një ambienti sa më të përshtatshëm në funksion të ofrimit të një shërbimi sa më të mirë për qytetarët e Tiranës, ruajtjen dhe mirëmbajtjen e hapësirave dhe pronave publike të Bashkisë Tiranë,

Urdhëroj

1. Qëllimi i kësaj urdhërese është të përcaktojë rregullat përmirëfunksionimin dhe organizimin e aktivitetit në Tregun dhe Markatën e Mbyllur të Pazarit të Ri, duke krijuar bazën përfunksionimin efikas të këtij ambienti, me qëllim garantimin e një konkurrencë të drejtë, ofrimin e besimit dhe mbrojtjen e interesave të konsumatorëve.
2. Subjektet tregtare që janë pajisur me leje përmirësuar aktivitetin e tyre në tregun e pazarit të ri, i nënshtronen detyrimeve të parashikuara në urdhëresën nr. 25850, datë 26.08.2016 të Kryetarit të Bashkisë “Për rregullat dhe kushtet e zënies së hapësirës publike në Bashkinë e Tiranës” të ndryshuar, në lejen përmirësuar aktivitetit dhe kësaj urdhërese.
3. Rregullave dhe parashikimeve të kësaj urdhërese i nënshtronen edhe të gjithë subjektet të cilët janë shpallur fitues me anë të vendimit Vendimit të Kryetarit nr. 6369/3, datë 08.03.2017 “Për shpalljen e subjekteve përfitues përmarrjen me qira të njësive tregtare Markatë e Mbyllur e Pazarit të Ri, në administrim të Bashkisë Tiranë” dhe kanë lidhur kontratat e qirasë.
4. Përveç rregullave të përgjithshme të parashikuara në urdhëresën nr. 25850, datë 26.08.2016 të Kryetarit të Bashkisë “Për rregullat dhe kushtet e zënies së hapësirës publike në Bashkinë

e Tiranës” të ndryshuar, për sa i përket orarit dhe rregullave për zhvillimin e aktivitetit, zbatohen edhe rregullat e mëposhtme:

- a. Zhvillimi i aktivitetit do të jetë sipas orarit dhe rregullave të parashikuara në këtë pikë:
 - i. Aktiviteti i tregjeve dhe njësive të shitjes ambulante zhvillohet në të gjitha ditët e javës.
 - ii. Orari i shitjes në treg dhe për njësitë e shitjes ambulante përcaktohet në leje dhe mund të zgjasë nga ora 6.00 deri në orën 20.00.
 - iii. Subjektet tregtare janë të detyruar të zbatojnë në mënyrë rigorozë orarin si më sipër. Nuk lejohet braktisja e tregut brenda kohëzgjatjes së orarit të përcaktuuar (me përjashtim të rasteve kur tregtarë është i pajisur me leje të motivuar)
 - iv. Me akte të Kryetarit të Bashkisë nëse lind nevoja mund të përcaktohet ditë pushim në tregun fiks.
 - v. Me kërkesë të subjektit të interesuar mund të përcaktohet ditë pushim për njësinë e shitjes ambulante.
 - vi. Në rast zhvillimi aktivitetesh dhe ceremoni, sipas njoftimit publik përkatës, merren masa të sigurohet lirimi i hapësirës së zënë sipas orareve të përcaktuara nga administratori i tregut.
 - vii. Për subjektet qiramarrës, orari i zhvillimit të aktivitetit, përveç sa parashikohet në pikat e mësipërme do të jetë sipas përcaktimeve në kontratën e qirasë.
- b. Mallrat që tregtohen dhe vendi i tregtimit do të janë sipas përcaktimeve të mëposhtme:
 - Tregtarët janë të detyruar të nxjerrin në shitje vetëm artikujt e planifikuar për sektorin të cilin i përkasin, gjë e cila është e përcaktuara në lejen përkatëse të Bashkisë për ushtrimin e aktivitetit.
 - Nuk lejohet ekspozimi dhe shitja në të njëjtin vend e mallrave industriale dhe atyre ushqimore.
 - Të gjithë subjektet që e zhvillojnë aktivitetin e tyre në tregun e Pazarit të Ri dhe në njësitë e Markatës së Mbyllur duhet të tregtojnë produkte cilësore dhe sipas standardeve të miratuara nga autoritetet përkatëse, duke përfshirë këtu, kushtet e mira higjene sanitare, si gjatë ruajtjes ashtu edhe gjatë ekspozimit për qytetarët, e vërtetuar kjo sipas librezës shëndetësore të lëshuar nga autoriteti përkatës.
 - Të gjithë subjektet tregtare, i nënshtronen sistemit të kontrollit periodik për respektimin e kërkesave të përcaktuara në ligjet përkatëse, në lidhje me kushtet higjene sanitare të tregtimit të produkteve dhe monitorimit të çmimit të vendosur, duke shmangur abuzimet dhe krijuar mbrojtjen e nevojshme për konsumatorin.
 - Sistemi i kontrollit siguron për çdo produkt, në përputhje me legjislacionin në fuqi për ushqimin, që të garantojë konsumatorët se produktet tregtohen, magazinohen dhe shiten në përputhje me kërkesat e përcaktuara në legjislacionin në fuqi.
 - Të gjithë subjektet tregtare duhet të zbatojnë rregullat dhe parashikimet e përcaktuara në këtë urdhërese apo në akte të tjera të që normojnë organizimin dhe funksionimin e ambienteve të jashtme dhe të brendshme të Tregut të Pazarit të Ri.